

SCRIPT OF MORNING GOJRI NEWS BULLETIN 2 FEB 2026
1015HRS

مارنگ گجری نیوز بولٹن 2 فروری 2026

یوہ آکاشوانی جموں ہے عبدالرحمان تیں خبر سٹو۔

JK BUDGET SESSION

جموں مانہ جموں کشمیر قانون ساز اسمبلی غو بجٹ اجلاس شروع۔ اجلاس غو آغاز لیفٹیننٹ گورنر منوج سنہا غا اسمبلی خطاب سنگ ہو۔ اس تیں بعد لیفٹیننٹ گورنر غا خطاب ور شکریہ غی تحریک ور کئی دناں توڑی بحث وے غی تے حکومت اس غو جواب دے غی۔ اس بجٹ اجلاس غے دوران وزیر اعلیٰ عمر عبداللہ جیٹرا وزیر خزانہ ہیں غی ذمے داری سنبھال رہی اپیں 6 فروری 2026 نانہ اسمبلی مانہ مسلسل دوسری بار اپنا بجٹ پیش کریں گا۔ اسمبلی غو یوہ 5 ووں اجلاس ترے مہیناں ور مشتمل وے غو تے ترے مرحلاں مانہ منعقد کیو جے غو، جموں کشمیر قانون ساز اسمبلی غا کلینٹر غے مطابق بجٹ اجلاس 4 اپریل نانہ ختم وے گو۔

CABINET MEET

جموں کشمیر غی کابینہ اج دوپہر نانہ میٹنگ منعقد کرئی ہے جس مانہ 27-2026 غا بجٹ ور اسمبلی مانہ 6 فروری نانہ پیش کیا جان تیں پہلاں غور کیو جے غو آکاشوانی جموں غا نمائندہ غے مطابق وزیر اعلیٰ عمر عبداللہ اج جموں مانہ اپنی سرکاری رہائش گاہ ور وزراء غی کونسل غی میٹنگ غی صدارت کرینگا اس میٹنگ مانہ سال 2026-27 غا بجٹ ور تفصیلی تبادلہ خیال وے غو کابینہ اسمبلی مانہ مالیاتی منصوبہ پیش کیا جان تیں پہلاں بجٹ تجاویز نانہ منظوری دے غی۔

BUDGET REACTIONS

اسے دوران مرکزی وزیر خزانہ نرملا سیتھا رمن غی طرفوں کل پیش کیا گیا مرکزی بجٹ نانہ جموں خطہ غا بکھ بکھ ضلعاں مانہ عوام غی طرفوں مثبت رد عمل حاصل ہوو ہے جموں کشمیر واسطے 2026-27 غے دوران 43 ہزار 2 سو 90 عشاریہ 29 کروڑ روپیاں غی مجوزہ رقم مختص کیا جان غو خیر مقدم کیو گیو ہے جیٹو موجودہ سال غا مقابلہ مانہ تقریباً 2 ہزار کروڑ زیادہ ہے عوام نے بجٹ نانہ ویکست بھارت 2047 غا ہدف غے مطابق دسیو لوکاں نے سیاحت ور مبنی اقدامات ور مرکز غی توجہ کینسر غی ادویات غی قیمتاں مانہ کمی موبائل فونز غا سستہ ہون تے آمدنی ٹیکس دیٹرن پرن غی مدت مانہ توسیع جیسا اقدامات نانہ وی سہرايو ہے۔ دستکاراں تے تاجراں نے دستکاری تے ہتھ کڈی ور خصوصی توجہ نانہ مقامی معشیت واسطے بڑو سہارو قرار دتو۔

SPECIAL TRAINS

شری ماتا ویشنو دیوی کٹڑہ تے سرینگر غے بشکار خراب موسم تے سڑکاں و پروازاں غی بندش غے باعث مسافراں گا غیر معمولی رش غے پیش نظر ریلوے عہدے داراں نے ریزروڈ خصوصی ریل گڈیں چلان غی اجازت دتی ہے مہارہ ضلعی نمائندہ غے مطابق 4 خصوصی ریل گڈی سروسز جن غا نمبر 04627-04628-04629 ہیں ترے تے چار فروری 2026 نانہ کٹڑہ تے سرینگر غے

بشکار بنہال مانہ رستہ غا سٹاپ غے سنگ چلائی جینگے اس قدم غو مقصد پھسیا
واں مسافراں نانہ سہولت فراہم کرنو تے معمول غی ٹرانسپورٹ سروسز مانہ خلل
غے دوران محفوظ تے آسان سفر نانہ یقینی بنانویں۔

SATISH CHESS

کھیڈاں بارے وزیر ستیش شرما نے کل جموں کشمیر مانہ کھیڈاں گا نظام نانہ
مضبوط بنان واسطے حکومت غا عزم نانہ ایک بار فیر دوہرایو ہے اُنہاں نے یاہ
گل ترکوٹا نگر جموں مانہ اوپن شترنج ٹورنامنٹ غو افتتاح کرتا واں کئی وزیر
موصوف نے شترنج غا فروغ ور منتظمین غی تعریف کرتا واں کہیو جے یاہ
کھیڈ نوجواناں مانہ ذہانت نظم و ضبط تے حکومت عملی سوچ نانہ تیز کرے اُنہاں
نے کہیو جے شترنج جیسی ذہنی کھیڈ نچلی سطح ور صلاحیتاں نانہ نکھارن مانہ
مدد دے تے نوجوان کھیلاڑیاں واسطے تعمیری پلیٹ فارم فراہم کرے وزیر
موصوف ستیش شرما نے کھیڈاں گا بُنیادی ٹھانچہ غی بہتری تے کھیلاڑیاں غی
معاونت واسطے کی جان آلی کوششاں نانہ وی اُجاگر کیو اس موقع ور کھیلاڑیاں
کوچز تے عہدے داراں نے شرکت کی جد کہ بکھبکھ عمر غا گروپس غی شراکت
سنگ بھر پور جوش و خروش دیکھن مانہ ملیو۔

J&K TREMOR

جموں کشمیر غا بارہمولہ مانہ اج صبح سویرے 4 عشریہ 6 شدت غو زلزلو محسوس
کیو گیو عہدے داراں غے مطابق یوہ زلزلو سویرے 5 بج غے 35 منٹ ور آيو، جس
غو مرکز پٹن علاقوتھو زلزلہ غے باعث اجوں تک کسی نقصان غی کوئی اطلاع
موصول نی ہوئی ہے۔

WEATHER

محکمہ موسمیات نے اج تے پلک یعنی ترے فروری غی دوپہر تک جموں کشمیر
یوٹی غا کئی علاقاں مانہ ہلکی تیں درمیانہ درجہ غی بارش تے برف باری غے
سنگ تیز ہواواں غا چلن غی پیشین گوئی کی ہے شام غے وقت جاری کردہ موسمی
اعدادو شمار غے مطابق جموں کشمیر مانہ دن غے دوران سب تیں زیادہ بارش
بہدرواہ مانہ 22 عشریہ 5 ملی میٹر ٹوڈہ مانہ 16 ملی میٹر تے کشتواڑ مانہ 18 ملی
میٹر مانہ ریکارڈ کی گئی تاہم 4 تیں 6 فروری تک موسم خوشک رہن غی توقع ہے
مجموعی طور ور جموں کشمیر مانہ 10 فروری تک موسم زیادہ تر خشک رہن غو
امکان ہے تے بڑی بارش یا برف باری غی پیشین گوئی نہیں کی گئی ہے۔

ROAD SAFETY

قومی سڑک حفاظتی مہینہ 2026 غے تحت موٹر گاڑیاں بارے محکمہ یعنی محکمہ
ٹرانسپورٹ نے کشتواڑ بس اڈہ ور ایک بڑا سڑک حفاظتی بیدادی پروگرام غو انعقاد
کیو جس غی صدارت ڈپٹی کمشنر کشتواڑ پنکج شرما نے کی ڈرائیوراں سنگ تے
ٹرانسپورٹراں سنگ خطاب کرتا واں ڈپٹی کمشنر موصوف نے ٹریفک قوانین غی
سختی سنگ پابندی تے ذمے دارانہ ڈرائیونگ ور زور دتو تانجے سڑک حادثات
مانہ کمی آئی جاسکے۔
